

# ***Comunu de Sarrocu***

*Provìncia de Casteddu*

## ***Statutu Comunali***

*-Aproau cun delibera de su Consillu comunali n. 8 de su 28 martzu 2001.*

*-Cambiau cun delibera de su Consillu comunali n. 31 de su 10/07/2006.*

## ÌNDIXI

### **TÌTULU I**

#### **PRINCÌPIUS GENERALIS**

<i>ART. 1 - Autonomia Statutària</i> .....	5
<i>ART. 2 – Finalidadi</i> .....	5
<i>ART. 3 - Logu e sedi comunali</i> .....	6
<i>ART. 4 - Stemma e gonfaloni</i> .....	6
<i>ART. 5 - Consillu comunali de is piciocheddas</i> .....	6
<i>ART. 6 - Programatzioni e cooperatzioni</i> .....	7

### **TÌTULU II**

#### **ORDINAMENTU STRUTURALI**

##### **CÀBUDU I**

##### *Òrganus e atributzionis*

<i>ART. 7 Òrganus</i> .....	8
<i>ART. 8 Deliberatzionis de is òrganus collegialis</i> .....	8
<i>ART.9 Consillu Comunali</i> .....	8
<i>ART. 10 Sètzida e avisada</i> .....	9
<i>ART. 11 Ghias de programa e de mandau</i> .....	10
<i>ART. 12 Cumissionis</i> .....	10
<i>ART. 13 Cuntzilleris</i> .....	11
<i>ART. 14 Diritus e doveris de is cuntzilleris</i> .....	11
<i>ART. 15 Trumas Contzillaris</i> .....	12
<i>ART. 16 Sìndigu</i> .....	12
<i>ART. 17 Cumpetènzias de aministratzioni</i> .....	13
<i>ART. 18 Cumpetènzias de càstiu</i> .....	13
<i>ART. 19 Cumpetènzias de organizatzioni</i> .....	14
<i>ART. 20 Vice Sìndigu</i> .....	14
<i>ART. 21 Motzioni de scunfiantza</i> .....	14
<i>ART. 22 Dimitiduras e impedimentu permanenti de su Sìndigu</i> .....	15
<i>ART. 23 Giunta comunali</i> .....	15
<i>ART. 24 Cumponimentu</i> .....	15
<i>ART. 25 Nòmina</i> .....	15
<i>ART. 26 Funtionamentu de sa Giunta</i> .....	16
<i>ART. 27 Cumpetènzias</i> .....	16

### **TÌTULU III**

#### **ISTITUTUS DE PARTECIPATZIONI E DIRITUS**

##### **DE IS CITADINUS**

##### **CÀBUDU I**

##### **Partecipatzioni e decentramentu**

<i>ART. 28 Partecipatzioni popolari</i> .....	17
---	----

## **CÀBUDU II**

### **Assòtzius e voluntariu**

ART. 29 Assòtzius .....	18
ART. 30 Agiudus a is assòtzius.....	18
ART. 31 Agiudus a is assòtzius .....	19

## **CÀBUDU III**

### **Maneras de partecipazioni**

ART. 32 Consultationis .....	19
ART. 33 Petitionis.....	19
ART. 34 Propostas .....	20
ART. 35 Referendum .....	20
ART. 36 Intrada a is àutus .....	21
ART. 37 Diritu de informu .....	21

## **CÀBUDU IV**

### **Amparadori Cìvicu**

ART. 38 Nòmina .....	22
ART. 39 Decadèssida .....	22
ART. 40 Funtzionis .....	23
Art. 41 Facultadis e prerogativas .....	23
Art. 42 Relata annuali.....	24
Art. 43 Indennidadi de funtzioni .....	24

## **CÀBUDU V**

### **Procedimentu aministrativu**

Art. 44 Deretu de interbènnida in is procedimentus.....	24
Art. 45 Procedimentus a istàntzia de parti.....	25
Art. 46 Procedimentus impèllius de uficiu.....	25
Art. 47 Determinatzioni de su cuntènniu de s' àutu .....	25

## **TÌTULU IV**

### **Atividadi Aministrativa**

Art. 48 Tareas de s'atividadi aministrativa .....	26
Art. 49 Servìtzius pùblicus comunalis .....	26
Art. 50 Formas de gerridura de is servìtzius pùbricus .....	26
Art. 51 Aziendas Specialis.....	27
Art. 52 Struttura de is aziendas specialis.....	27
Art. 53 Istituzionis .....	28
Art. 54 Societadis po atzionis o a responsabilidadi impiticada.....	28
Art. 55 Cunventzionis .....	29
Art. 56 Cunsòrtzius.....	29
Art. 57 Acòrdius de programa.....	30

## **TÌTULU V**

### **UFÌCIUS E PERSONALI**

## **CÀBUDU I**

### **Uficius**

<i>ART. 58 Princìpius struturalis e organizativus</i>	30
<i>ART. 59 Ordinàngiu de is uficius e de su personali</i>	31
<i>ART. 60 Regolamentu de is uficius e de is servìzius</i>	31
<i>ART. 61 Diritus e depiri de is dependentis</i>	31
<b>CÀBUDU II</b>	
<b>Personali diretivu</b>	
<i>ART. 62 Diretori generali</i>	32
<i>ART. 63 Còmputus del Diretori generali</i>	33
<i>ART. 64 Funtzionis de su Diretori</i>	33
<i>ART. 65 Responsàbilis de is uficius e de servìzius</i>	34
<i>ART. 66 Funtzionis de is responsàbilis de is uficius e de is servìzius</i>	34
<i>ART. 67 Incàrrigus specialis e de collaboratzioni arta</i>	35
<i>ART. 68 Collaboratzionis foranas</i>	35
<i>ART. 69 Uficiu e indiritzu de càstiu</i>	36
<b>CÀBUDU III</b>	
<b>Su Segretàriu comunali</b>	
<i>ART. 70 Segretàriu comunali</i>	36
<i>ART. 71 Funtzionis de su Segretàriu</i>	36
<i>ART. 72 Vice Segretàriu comunali</i>	37
<b>CÀBUDU IV</b>	
<b>Sa responsabilidadi</b>	
<i>ART. 73 Responsabilidadi caras a su Comunu</i>	37
<i>ART. 74 Responsabilidadi caras a tertzus</i>	37
<i>ART. 75 Responsabilidadi de is contàbilis</i>	38
<b>CÀBUDU V</b>	
<b>Finàntzia e contabilidadi</b>	
<i>ART. 76 Ordinamentu</i>	38
<i>ART. 77 Atividadi finantziària de su Comunu</i>	38
<i>ART. 78 Aministratzioni de is asiendas comunalis</i>	39
<i>ART. 79 Bilànciu comunali</i>	39
<i>ART. 80 Rendicontus de sa gerridura</i>	40
<i>ART. 81 Atividadi contratuiali</i>	40
<i>ART. 82 Collègiu de is revisoris de is contus</i>	40
<i>ART. 83 Tesoreria</i>	41
<i>ART. 84 Càstiu econòmicu de sa gerridura</i>	41

# **TÌTULU I**

## **PRINCÌPIUS GENERALIS**

### **ART. 1**

#### **Autonomia Statutària**

- 1. Su Comunu de Sarrocu est unu enti locali atònomu, rapresentat sa cumunidadadi, ndi curat is interessus ndi promovi s'irvilupu.*
- 2. Su Comunu si serbit de s'atonomia cosa sua, tenendu contu de sa Costituzioni e de is princìpius generalis de s'ordinamenru, po ndi pesai s'atividadi cosa sua e sighiri is iscopus istituzionalis.*
- 3. Su Comunu rapresentat sa cumunidadadi de Sarrocu me is raportus cun su Stadu, cun sa Regioni Sardìnnia, cun sa Provìncia de Casteddu e cun àterus entis o sogetus pùblicus e privaus e, po su chi acuntessit is tentas indidadas in custu Statutu, cara a sa cumunidadadi internatzionali.*
- 4. Su Comunu de Sarrocu assigurat s'impreu de sa lìngua sarda cumentu bolit sa L.R. 15.10.97, n. 26.*

### **ART. 2**

#### **Finalidadi**

- 1. Su Comunu promovi s'irvilupu e su progressu tzivili, sociali e econòmicu de sa cumunidadadi de Sarrocu, arremonendi is valoris e sa punna de sa Costituzioni.*
- 2. Su Comunu circat sa collaborazioni e s'agiudu torrau cun is àterus sogetus pùblicus e privaus e promovit s'acioni de is citadinus, de is assòtzius e de is forzas socialis me is atividadis aministrativas.*
- 3. Su Comunu promovit e amparat s'echilibriu e su sètiu de su logu e pigat parti, impari a is àteras istituzionis natzionalis e internatzionalis, a sa smèngua de s'incuinentu, assigurendi, in su chi pertocat unu impreu chi potzat apoderai e chi siat giusto po totus, s'amparu de sa saludi de is citadinus.*
- 4. Patacuàriu su Comunu tenit fundamentu cosa sua me is princìpius chi sighint:*
  - a) bogai totu is strobis chi si tressant a s'irvilupu de sa personi e a su de essi paris s'uno cun s'àteru;*
  - b) arrespetu e amparu de is diversidadis ètnicas, linguìsticas, culturalis, religiosas e políticas, fintzas movendi a favori de is valoris e de sa cultura de sa tolleràntzia;*
  - c) recùperu, amparu e avaloramentu de s'asienda naturali, ambientali, stòrica, architetonica, culturali e de su connotu;*
  - d) amparu de sa personi agarbau a sa solidariedadi sociali, cun s'agiudu de is assòtzius de voluntariau e aintru de unu ordinamentu de seguresa sociali;*
  - e) amparu de sa vida, de sa personi e de sa famiglia, avaloramentu sociali de sa maternidadi e de sa paternidadi, assigurendi s'apògiu a sa responsabilidadi de*

*ambadus in sa cura e in s'educatzioni de is fillus, fintzas po mèdiu de is servitzius socialis e educativus; garantia de su diritu a su stùdiu e a sa formatzioni culturali e professionali;*

*f) superai dònna partzialidadi intru de òmini e fèmina po mèdiu de sa promòvida de ideas chi assigurint is pròpiu possibilidadi po ambadùs;*

*g) promòvida de is atividadi culturalis, sportivas e de su sprèviu, donendi acantu a is formas de socializatzioni de is giòvunus e de is mannus;*

*h) avaloramentu de sa crèschida econòmica e sociali de sa comunidadi, promovendi sa partecipatzioni de is imprenditoris privaus a sa lòmpera de su beni comunu, fintzas po mèdiu de agiudus a is assòtzius chi impunnant a binci is diferènzias econòmicas, socialis e de su territòriu;*

### **ART. 3**

#### **Logu e sedi comunali**

- 1. Su logu de su Comunu si sterrit po 67,88 Km<sup>2</sup> a làcana cun is Comunas de Cabuderra, Assemi, Santu Perdu e Pula.*
- 2. Sa Domu tzivica, sedi comunali, s'agatat in Pratzza Repùblica n. 2 .*
- 3. S'arròlliu de is òrganus collegialis si faint po su prus in sa sedi comunali; podit capilai puru po apretu e abisòngiu chi si fatzat in àteru logu.*
- 4. Aintru de su logu de su Comunu de Sarrocu no si podint, po su chi pertocat su doveri e sa tarea de su Comunu po custa matèria, fraigai centralis nuclearis e nimancu fai transiri bombas nuclearis e arrefudus radioativus.*

### **ART. 4**

#### **Stemma e gonfaloni**

- 1. Su Comunu me is àutus e me is sigillus s'arreconnoscit in su nòmini de SARROCH.*
- 2. Su Stemma de su Comunu est cumentu est contau a fueddus in su Decretu de su Consillu de is Ministrus.*
- 3. Me is cirimònias e me is ocasionis pùblicas, e dònna borta chi ddoi siat s'abisòngiu de donai uficialidadi a sa partecipatzioni de s'enti a una bidea pretzisa, su Sìndigu podit donai disposta chi bengiat amostada sa bandera cun su stemma de su Comunu.*
- 4. Sa Giunta podit donai su permissu po is impreus e po copiai su stemma de su Comunu po fainas non istituzionalis chi perou tenint una tenta de interessi pùblicu.*

### **ART. 5**

#### **Consillu comunali de is piciocheddus e piciocheddas**

1. Su Comunu cun sa tenta de favoressi sa partecipazioni de is piciocheddus a sa vida de sa comunidadi podit promovì s'elezioni de unu Consillu comunali de is piciocheddus e piciocheddas.
2. Su consillu comunali de is piciocheddus depit e podit deliberai po donai unu parri cosa sua apitzus de is chistionis chi s'ghint: politica ambientali, sportu, sprèviu, giogus, arrellata cun is Assòtzius, cultura e spetaculu, amparu pùblicu, agiudu a is giòvunus e a is mannus, arrellata cun s'Unicef.
3. Su Consillu de is piciocheddus ddu eligint a cumenti narat e disponit s'arregolamentu cosa sua.

## **ART. 6**

### **Programatzioni e cooperatzioni**

1. Su Comunu, pesendindi is atividadis cosa sua imperada su metodu de sa programatzioni; circat unu acàpiu intru de is ainas de programatzioni de is àterus Comunas, da sa Provìncia, de sa Regioni, de su Statu e de sa Conventzioni europea de s'atonomia locali, firmada in Strasburgo su 15 de Ladàmini 1995.
2. S'atividadi de s'Aministratzioni comunali mirat a cumpriri is iscopus apostivigaus segundu is critèrius de s'economicidadi de gestioni, de acivimentu; circat puru de lòmpi a sa ispadriesa e semplificatzioni.
3. Su Comunu, po lòmpi a is iscopus arremonaus promovit puru is raportus de agiudu torrau e cuncambias cun àteras cumunidadis localis, fintzas de àteras natzionis me is làcanas e arraspetendi is acòrdius internatzionalis. Custus raportus si podint esprimi fintzas po mesu de su gemellàgiu.

**TÌTULU II**  
**ORDINAMENTU STRUTURALI**  
**CÀBUDU I**  
**Òrganus e atributzionis**

**ART. 7**  
**Òrganus**

1. *Òrganus de su Comunu funt su Consillu comunali, su Sindigu e sa Giunta e sa cumpetèntzia cosa insoru dda at stabilia sa Lei e custu Statutu.*
2. *Su Consillu comunali est unu òrganu de indiritzu e de càstiu políticu e amministrativu.*
3. *Su Sindigu est su responsabili de s'aministratzioni e est su legali rapresentanti de su Comunu; in prus fait is funtzionis de Ufficiali de Governu segundu is leis de su Stadu.*
4. *Sa Giunta traballat impari cun su Sindigu in sa ghia amministrativa de su Comunu e fait atividadi de proponimentu e intzullu caras a su Consillu.*

**ART. 8**  
**Deliberatzionis de is òrganus collegialis**

1. *Is deliberatzionis de is òrganus collegialis si pigant cun votatzioni làdina; funt de pigai cun votatzioni cuada is deliberatzionis chi pertocant sa persona miticoi si ndi depat esaminai is capacidadis sogetivas, is acionis e is fainas.*
2. *Su spriculitu e sa documentatzioni de is prepostas de deliberatzioni acuntessint po mesu de is referentis de is ufitzius; s'allistadura de is àutus e de is atòbius de su Consillu e de sa Giunta est atendia de su Segretàriu comunali, cun modu e critèriu stabilliu de su regolamentu po su funtzionamentu de su Consillu.*
3. *Su Segretàriu comunali no pigat parti a is atòbius candu s'agatat in stadu de incompatibilidadi: tacoi fessit, su segretàriu fait a càmbiu, po s'ocasioni, cun un àteru componenti de su Consillu e de sa Giunta nominau de su Sindigu, soliata, su prus piticu de edadi.*
4. *Is relatadas de is atòbius de su Consillu comunali ddas firmat su Presidenti de su Consillu e su Segretàriu comunali.*

**ART.9**  
**Consillu Comunali**



1. *Su Consillu comunali tenit autonomia organizativa e funtzionali e, traballendi po su torracontu e po su bonu profetu de totu sa comunidadi, deliberat s'indiritzu politicu - amministrativu e ndi averigat s'apricu. Sa presidèntzia de su Consillu comunali ndi dda pigat unu consilleri comunali eligiu in su primu atòbiu de su Consillu. Sa nòmina de su Presidenti de su Consillu dda faint intertantis su primu atòbiu apustis de sa cunvàlida de su Statutu.*
2. *S'elezioni, sa dura in càrriga, sa compostura e sa sentzada de su Consillu comunali ddas arrègulat sa Lei.*
3. *Su Consillu comunali tenit sa podestadi e is cumpetènzias chi ddi at donau sa Lei e su Statutu e ndi pesat is funtzionis e is doveris cosa sua cunfromu a is princìpius, a is maneras de cundulli stabillias de custu Statutu e de is normas de su Regolamentu.*
4. *Su Consillu Comunali adatat s'atzioni de totu s'enti a is princìpius de publicidadi, craresa e legalidadi po assigurai su giustu e sa ghia amministrativa bàlida.*
5. *Me is àutus de fundòriu de su Consillu si depint stallai is tareas de cumpriri e is maneras de agatai e de distinai is asiendas e is ainas chi ddoi abisòngiant.*

## **ART. 10**

### **Sètzida e avisada**

1. *S'atividadi de su Consillu comunali si sbòddiat in sètzidas ordinàrias e straordinàrias.*
2. *Po su chi pertocat s'avisada, funt ordinàrias is sètzidas fatas po proponni is deliberatzioni de aprou po is ghias programàticas de su mandau, de su bilànciu de previsionis e de is contus de sa gestioni.*
3. *Is sètzidas ordinàrias depint essi avisadas assumancu cincu diis innantis de sa dii stabilia; is sètzidas straordinàrias assumancu tres. Tacoì ddoi essit apretu mannu, s'avisada tocat a dda fai assumancu 24 oras innantis.*
4. *S'avisada de su Consillu e sa lista de is chistionis de arrexonu dda fait su Presidenti de su Consillu de arbitiu suu opuru dda podint domandai is cuntzilleris chi funt assumncu su cuintunu; miticoi s'arròlliu si depit fai intru 20 diis e depint ponni in lista is chistionis prepostas, chi funt de cumpetèntzia cuntzillari.*
5. *Is arròllius de su Consillu funt pùblicas, francu is ocasionis assentadas is su regolamentu cuntzillari chi ndi ghiat su funtzionamentu.*
6. *Sa primu avisada de su Consillu Comunali apustis de is elezionis de annoau dda ordinat su Sìndigu intru is dexi diis de sa proclamatzioni de is eletus.*
7. *Miticoi nci fessit impedimentu permanenti, decadèssida, rimotzioni, morti de su Sìndigu ndi annuddant su Consillu comunali; su consillu e sa giunta abarrant in càrriga fintzas a sa dii de is elezionis e is funtzionis de su Sìndigu passant a su Vice Sìndigu.*

## **ART. 11**

### **Ghias de programa e de mandau**

1. *Intru de is 120 diis de sa data de s'apomentamentu cosa sua, su sindigu presentat, de acòrdiu cun sa Giunta, is ghias programàticas chi pertocant is atzionis e is progetus de ndi pesai in s'interis de su mandau politicu-aministrativu.*
2. *Dònnia consilleri comunali tenit su diritu de nai po su chi pertocat is ghias programaticas, proponendi aciuntas, arràngius, e càmbius, intregghendi prepostas de mediada a cunfromu de is maneras inditadas me su regulamentu de su Consillu comunali.*
3. *Assumancu un borta a s'annu, su Consillu atendit a averiguai chi su Sìndigu e is s'assessoris ant cumpriu custas ghias de programa intru su 30 de Làmpadas de dònnia annu. Su Consillu podit fai aciuntas, in s'interis de su mandau, po arrangiai e cambiai, is ghias de programa, po mori de is abisòngius e de is chistionis chi ndi iant a bessì a pillu a giru de sa bidda*
4. *Acabau su mandau poliìticu-aministrativu, su Sìndigu presentat a s'òrganu consilliaris su documentu de rendicontatzioni de su stadu de cumpridura e lòmpera de is ghias de programa. Custu documentu est sutapostu a s'aprou de su Consillu, tenendi giai fatu s'esàmini de su gradu de cumpridura de is atzioni in programa.*

## **ART. 12**

### **Cumissionis**

1. *Su Consillu comunali at a podi nominai, cun una deliberatzioni apòsita, cumissionis a fisciu, a tempus o specialis de càstiu, de ispreculu, de circa, de stùdiu. Custas cumissionis funt de cuntzilleris comunalis chi rapresentant totu is trumas consilliaris. Po su chi pertocat is cumissionis chi tenint sa funtzioni de càstiu e siguresa, sa presidèntzia est de is cunsillaris de is trumas de oposizioni.*
2. *Su funtzionamentu, sa compositzioni, is poderis, sa chistioni e su tanti chi ant a abarrai is cumissionis ant a essi arreguladas cun unu regulamentu apòsitu.*
3. *Is chi faint parti de is Cumissionis tenit su diritu e su poderi de si fai agiudai de is ispertus.*
4. *Sa delibera de nomina dda ant a depi pigai de acòrdiu cun sa prus parti de is cuntzilleris.*

## **ART. 13**

### **Cuntzilleris**

1. *Su stadu giuridicu, is dimissionis e su càmbiu de is cuntzilleris ddus arrègulat sa Lei; custus rapresentant sa comunidadi intrea e a cussa depint torrai sceda sèmperi.*
2. *Is uficius de su cuntzilleri antzianu ddus fait su cuntzilleri chi, in s'elezioni at tentu prus votus. A nùmeru de votus paris ddus fait su prus mannu de edadi.*
3. *Is cuntzilleris comunalis chi no pigant parti a is traballus po tres bortas de sighiu chentza de unu motivu arrexonau decaint cun deliberatzioni de su Consillu Comunali. Po custu proponimentu, su Sìndigu e su Presidenti de su Consillu apustis de ai averiguau s'ausèntzia de su cuntzilleri in chistioni, fait una comunicatzioni scritta, in virtudi de s'art.7 de sa Lei 7 Austu 1990 n. 241, po ddu informai de s'aviada de su procedimentu aministrativu. Su Cuntzilleri podit torrai sceda de custas ausèntzias e fintzas intregai a su Sìndigu e a su Presidenti de su Consillu certificaus e documentus a cumprou intru su trèmini inditau in sa comunicatzioni scritta, chi no podit essi prus pagu de 20 diis a inghitzai de sa data de sa arricida. Passau custu trèmini, su Consillu esàminat e a s'acabu deliberat, tenendi in consideru is movitivas bogadas a faci de prova de su cuntzilleri in chistioni.*

## **ART. 14**

### **Diritus e doveris de is cuntzilleris**

1. *Is cuntzilleris tenint su diritu de presentai preguntas, demandas e ideas de deliberatzioni.*
2. *Is arrègulas de su Consillu Comunali decidint sa manera e sa forma de impreu de su diritu de arvitiu e de càstiu de is cuntzilleris comunalis .*
3. *Is cuntzilleris comunalis tenit su diritu de tenni scedas de is informus e de is nobas chi ddus serbint po fai su mandau cosa insoru chi ddis podint donai is uficius de su Comunu, is entis, is istituzionis e is aziendas.*  
*Is cuntzilleris, podint, cumentu disposta de sa lei, ligi e bisionai àutus e documentus, e connosci dònna àteru documentu utili po s'atividadi aministrativa e depint aguantai sarchetu me is ocasionis chi narat sa Lei. Cussus tenint su diritu de essi postus a parti po mesu de su Sìndigu /Presidenti de is chistionis e de is informus chi arrellatant in su Contzillu, fintzas po mesu de s'atividadi de is arròllius de is Cabus de sa truma, cumentu narat s'art. 15 de custu Statutu.*
4. *Dònna cuntzilleri depit pigai unu domiciliu in su territòriu comunali innui ddi ant a intregai is avisadas de Consillu e dònna àtera sceda e informu ufficiali.*

## **ART. 15**

### **Trumas Cuntzillaris**

1. *Is cuntzilleris si podint atòbiai in trumas cumentis narat su regulamentu de su Consillu comunali e ndi donant sceda a su Sìndigu a su Presidenti de su Consillu e a su segretàriu comunali impari a su nòmini de su Cabu de Truma. Miticoi no si aprofetessit de custa possibilidadi opuru in s'interis de s'eletzioni, is trumas ddas scerant intru de is listas chi si funt presentadas a is eletzionis e is cabus de truma funt sceraus intru de is cuntzilleris, chi non funt in sa Giunta, chi apant pigau su nùmeru prus artu de preferu.*
2. *Is cuntzilleris comunali ndi podint pesai trumas eletoralis anca funt stètius elìgius bastas chi custas trumas siant cumponnias de assumancu 2 personis.*
3. *est fundada, in su Comunu de Sarrocu, sa cunferèntzia de is cabus de truma, cun sa punna de arrespundi a is finalidadis generalis de s'art.13, coma 3, de su Statutu presenti, cumentis puru a is art. 43 e 44 de su T.U.E.L de su 18.08.2020 n. 267. Is arrègulas, cumentis funtzionat e is cumpetèntzias s'agatant in su regulamentu comunali.*
4. *Is cabus de sa truma cuntzillari podint otènni a debadas, una còpia de is documentus chi pertocant is àutus utilosus po discìnniri su mandau cosa insoru.*

## **ART. 16**

### **Sìndigu**

1. *Su Sìndigu est elìgiu inderetura de is citadinus cumentis narant is arrègulas stabilias de sa Lei chi arrègulat candu no fait a eligi, candu no ddoi at compatibilidadi e fintzas su stadu giurìdicu e is movitivas de s'acabu de incàrrigu.*
2. *su Sìndigu rapresentat su Comunu e est s'òrganu responsàbili de s'aministratzioni e atèndit a s'averiguada de is arrisultaus de is servìtzios comunali, donat disposta a su Segretàriu Comunale, a su Diretori, chi ddu ant nominau, e a is responsàbilis de is uficius po su chi pertocat is punnas amministrativas e de gestioni, e finas puru po su chi pertocat sa cumpridura de is àutus.*
3. *Su Sìndigu s'avalessit de is funtzionis is uficius chi is Leis, su Statutu, is arregolamentus ddi donant e atèndit e portat a càstiu su cumpridura de is uficius statalis e regionalis chi funt de su Comunu. Issu tenit fintzas cumpetèntzia e podèriu de impunna, miramentu e càstiu asuba de is atividadis de is assessoris e de sa strutura de gestioni e de esecuzioni.*
4. *Su Sìndigu, Il Sindaco, po mori de is punnas de su Consillu, provedit a sa nòmina, a decidi e a revocai is rapresentatis de su Comunu me is entis, asiendas e istituzionis.*
5. *su Sìndigu est puru cumpetenti, a s'ighiri de is punnas donadas de su Consillu comunali e pigadas in contu is categorias interessadas a aprontai is oràrius de is servìtzios comercialis, de is esercìtzios pùbricus e de is servìtzus pùbricus, e fintzas puru, de innantis in acòrdiu cun is responsàbilis cumpetentis po is ministratzionis*

*interessadas chi pertocant cussu territòriu, de is oràrius de abertura de is uficius pùbricus de su territòriu, pighendi in consideru is abisòngius de sa popolatzioni, pruscatotu de is personis chi traballant.*

## **ART. 17**

### **Cumpetènzias de aministratzioni**

*1. Su Sìndigu tenit s'arrapresentàntzia generali de s'Enti, podit delegai is funtzionis cosa sua in totu o in parti a is assessoris e est s'òrganu responsàbili de s'aministratzioni de su Comune; patacuàriu su Sìndigu:*

*a) ghiat e fait torrai paris s'atividadi polìtica e aministativa de su Comune e fintzas s'atividadi de sa Giunta e de is assessoris;*

*b) promovit e acullit ideas po cumpriri acòrdius de programa cun totu is sogetus pùbricus pigaus in consideru de sa Lei, intèndiu su Consillu Comunali;*

*c) avisat is comìtzis po is referendum postus in contu de s'art. 8 de su T.U.EE.LL. de su 18.08.2000 n. 267; i comizi per i referendum previsti dall' art. 8 del T. U. EE. LL. del 18. 08.2000 n. 267;*

*d) adotai is pragonis de abisòngiu e de apretu po is acuntèssius chi non si podiant connosci de innantis e postus in contu de sa Lei;*

*e) eligit e incàrrigat su Seretàriu comunali, scioberendi.ddu in d-unu albu pesau cun custa punna;*

*j) donat e ndi pigat a su Segretàriu comunali, chi ddu stimat de fai, is funtzionis de Diretori generali miticoi no nci fessit acòrdiu cun àterus comunuspo sa nòmina de su Diretori;*

*g) eligit is responsàbilis de is uficius e de is servìtzis, donat is incàrrigus de dirigèntzia e cussus de collobaratzioni forana, candu ddoi at abisòngiu de veras e chi si podit averigai.*

## **ART. 18**

### **Cumpetènzias de càstiu**

*1. Su Sìndigu in s'esercìtziu de is funtzionis de càstiu arrecabat in deretura in totu in is uficius e servìtzis is informus e is àutus, fintzas cussus custoius, e podit disponni de arrecabai àutus, documentus e informus me is aziendas specialis, is istituzionis e is sociedades po is atzionis chi funt de s'enti, po mesu de is chi ddas arrapresentant, torrendi.ndi sceda a su Consillu comunali.*

*2. Issu ndi pesat àutus chi serbint a amparai e allogai is diritus de su Comune e promovit, de sei etotu o cun s'agiudu se du Segretàriu comunali o de su Diretori chi ddu ant nominau, is spricullitus e su cumprou aministrativus de totu is atividadis de su Comune.*

*3. Su Sìndigu promovit e si carriat de is arbitius chi serbint po assigurai chi uficius, servìtzis, aziendas specialis, istituzionis e sociedades de su Comune, fatzant su*

*traballu insoru cumenti inditau de su Consillu e ponendi infatu a is ghias donadas de sa Giunta.*

## **ART. 19**

### **Cumpetènzias de organizazioni**

*1. Su Presidenti de su Consillu in s'èsercìtziu de is funtzionis de organizazioni:*

- a) intèndia sa cunferèntzia de is cabus de sa truma, deciddit is argumentus de arrexonu po sa dii de is sètzidas de su Consillu comunali, ndi cumandat s'avisada e ddu ghat che presidenti. Si pigat s'incàrrigu de s'avisada candu dda pedint unu cuntu de is cuntzilleris;*
- b) atendit a is poderis de politzia me is atòbius de su consillu e in is organismus pùbricus de partecipazioni popolari innui su Sìndigu est presidenti, abarrendi me is trèminis de sa lei;*
- c) proponnit is chistionis de arrexonai in Giunta, ndi cumandat s'avisada o ddoi fait che presidenti;*
- d) arricit is interrogatzionis e is preguntas de sutaponni a su consillu in cantu de cumpetèntzia cuntzillari.*

## **ART. 20**

### **Vice Sìndigu**

- 1. Su Vice Sìndigu nominau de su Sìndigu est s'assessori chi tenit dèlega generali po s'èsercìtziu di totu is funtzionis de su Sìndigu, in ausèntzia o in impedimentu de custu.*
- 2. S'assinniadura de is dèlegas donadas a is assessoris o cuntzilleris, depit èssiri comunicada a su Consillu e a is òrganus postus in contu de sa Lei, e fintzas puru pubricada in s'albu pretòriu.*

## **ART. 21**

### **Motzioni de scunfiantza**

- 1. Su votu de su Consillu Comunali travessu a una propònnida de su Sìndigu no ndi ocasionat is dimitiduras.*
- 2. Su Sìndigu e sa Giunta cosa sua acabat sa càrriga cosa sua in acontèssiu de aprovatzioni de una motzioni de scunfiantza votada po apellu nominali de sa majoria prena de is cumponentis de su Consillu.*
- 3. Sa motzioni de scunfiantza depit èssiri sprigada e firmada de assumancu is duus cuntus de is Cuntzilleris assenniaus chene de contai su Sìndigu e depit èssiri posta in chistionu no innantis de dexi diis e no apustis de trinta diis de sa presentatzioni cosa sua. Chi aprovant sa motzioni de scunfiantza si ndi sciusciat de su Cunsillu Comunali e si nòminat unu Cumissàriu, in virtudi de is leis bàlidas.*

## **ART. 22**

### ***Dimitiduras e impedimentu permanenti de su Sìndigu***

*1. Is dimitiduras in calisiat manera presentadas de su Sìndigu a su Consillu, passau su trèmini de binti diis de sa presentada insoru, no si ndi podint prus torrai a pinnigai. Passau custu trèmini s'incarrerat cun sa sciusedura de su Cunsillu Comunalì e sa nòmina de unu Cumissàriu.*

## **ART. 23**

### ***Giunta comunali***

*1. Sa Giunta est òrganu de strumbulu, impellida e de gestioni amministrativa, traballat impari cun su Sìndigu a su governu de su Comune e me is atividades cosa sua s'ghit is prìncipius de creasa e de atòliu.*

*2. Sa Giunta ndi pesat totu is àutus adatus a ndi sodigai is tereas e is iscopus de s'enti in s'acuntèssiu de is punnas generalis e po sa cumpridura de is disposas de fundamentu aprovadas de su Consillu comunali. Sa Giunta fait is funtzionis de indiritzu politicu-amministrativu, defininendi is tareas e is programas de cumpriri e adotendi is àterus àutus chi pertocant custas funtzionis, e perificat chi is arresultaus de s'atividadì amministrativa e de gestioni crosant cun is inditus cumandaus.*

*3. Sa Giunta arrelatat dònna annu de s'atividadì cosa sua a su Consilli comunali.*

## **ART. 24**

### ***Cumponimentu***

*1. Sa Giunta est fata de su Sìndigu e de no prus de sesi assessoris e unu de custus tenit s'incàrriugu de Vice Sìndigu;*

*2. Is assessoris ddus scioberant casi sèmpiri intru is cuntzilleris; si podint nòminai fintzas assessoris a foras de su Consillu, chi tengiant perou is piessinnus de elegibilidadì e chi tengiant sperièntzia tènnica, amministrativa e professionali.*

*3. Is assessoris de foras podint partecipai a is sètzidas de su Consillu e interbenni in sa dibata ma no tenint diritu de votai.*

## **ART. 25**

### ***Nòmina***

*1. Su Vice Sìndigu e is àterus chi cumponint sa Giunta funt nominaus de su Sìndigu e presentaus a su Consillu comunali in sa primu sètzida afatanti is eletzionis.*

2. Su Sîndigu podit discumbidai unu o prus assessoris donendi sceda motivada a su Consillu.
3. Is movitivas de incompatibilitadi, su stadu giuridicu de is assessoris e is istitutus de decadèssida e de discumbidu funt arregulaus de sa Lei, non podint fai parti de sa Giunta is chi funt de s'erereu de su Sîndigu intru su de tres gradu, de afinidadi de primu gradu e pobiddu e mulleri.
4. Sravu is acuntèssius de discumbidu de sa Giunta po cumandu de su Sîndigu, sa Giunta abarrat in càrriga finas a sa dii de sa dichiara de is eletus candu annoant su Consillu comunali.

## **ART. 26**

### **Funtzionamentu de sa Giunta**

1. Su Sîndigu avisat e fait che presidenti de sa Giunta, fait torrai paris e càstiat a s'atividadi de is assessoris e deciddit sa lista de is chistioni de arrexonai in sa dii de is atòbius, fintzas tenendi in contu is argumentus donaus de dònna assessori.
2. Is maneras de avisada e de funtzionamentu de sa Giunta ddas deciddit issa etotu chebtza de formalidadi.
3. Is sètzidas funt bàlidas chi est presenti sa majoria de is chi dda cumponint, is delìberas ddas deciddint a majoria de is chi nci funt.

## **ART. 27**

### **Cumpetènzias**

1. Sa Giunta traballat impari a su Sîndigu in s'aministratzioni de su Comunu e ndi pesat is àutus chi, in virtudi de sa Lei e de custu Statutu, no siant de cumpetènzia de su Consillu o de su Sîndigu, de su Segretàriu comunali, de su Diretori, chi ddu ant nominau o de is responsàbilis de su servìtziu.
2. Sa Giunta traballat cumentu unu collègiu, ndi pesat is indiritzus generalis donaus de su Consillu e fait atividadi de proposta e de impellida po su Consillu etotu.
3. Sa Giunta, in s'esercìtziu de is cumpetènzias de governu e de is funtzionis organizativas:
  - a) proponint a su Consillu is regolamentus;
  - b) aproat is progetus, is programas esecutivus e totu is dispostas chi no siant de cumpetènzia de is responsàbilis de is servìtzios cumentu narat sa Lei o su regulamentu de contabilidadi;
  - c) cuncordat is ghias de indiritzu de sutaponni a is determinatzionis de su Consillu e ddas aprontat cumentu prepostas de dispostas;
  - d) fait atividadi de arbitiu, de impellida e de acòrdiu cun is òrganus de partecipazioni e decentramentu;
  - e) càmbiat is tarifas, in su petantis chi manigiat e proponit a su Consillu is critèrius po sa determinatzioni de cussas nobas;



- f) proponit is critèrius generalis po sa cuncessioni de agiudu econòmicus, contributus de calisiat casta a entis e personis;
- g) aproat is regolamentus chi pertocant s'ordinamentu de is uficius e de is servitzius ponendi in menti i critèrius stabìlius de su Consillu;
- h) deciddit sa dii de avisada de is comitzius po is referendum e fundat s'uficiu comunali po is eletzionis, chi depit averiguai sa regolaridadi de su procedimentu;
- i) apustis de ai stallau gastus e mèdius, esèrcitat is funtzionis delegadas de sa Provìncia, Regioni e Stadu candu no funt giai in virtudi de sa lei de cumpetèntzia de àteru òrganu;
- j) deciddit po su chi pertocat is abètius asuba de is cumpetèntzias funtzionalis chi iant a podi bessit a campu intru is òrganus gestionalis de s'Enti;
- k) deciddit, in virtudi de su regolamentu e de is acòrdius decentrasus, is critèrius, is standard e is incàrrigus funtzionalis de traballu po misurai sa resa de s'aparau, achistiu su parri de su Diretori generali, chi est stètiu nominau.
- l) deciddit, apustis de essi achistiu su parri de is revisoris de is contus, a cumentis misurai e cali mòlliu imperai po scruculliai de aintrus sa gestioni de s'Enti segundu is princìpius de su Consillu;
- m) aprovat su Peg propostu de su Segretàriu comunali o de su Diretori generali, chi est stètiu nominau.

**TÌTULU III**  
**ISTITUTUS DE PARTECIPATZIONI E DIRITUS**  
**DE IS CITADINUS**  
**CÀBUDU I**  
**Partecipazioni e decentramentu**

**ART. 28**  
**Partecipazioni popolari**

1. Su Comunu promovit e amparat sa partecipazioni popolari de is citadinus, a solus o in assòtzius, a s'aministratzioni de s'enti cun s'iscopu si assigurai su bonu profetu, s'impartzialidadi e sa craresa.
2. Sa partecipazioni popolari si espressat agiudendi is formas assotziadoras e de su voluntariau e su diritu de su citadinu a interbenniri in su procedimentu amministrativu.
3. Su Consillu comunali aprontat e aprovat unu regolamentu chi narat a cumentis is citadinus podint fai balliri is diritus cosa insoru e is diritus postus in contu de custu titulu.

## **CÀBUDU II**

### ***Assòtzius e volontariau***

#### **ART. 29**

##### ***Assòtzius***

- 1. Su Comunu arreconoscit e promovit is formas de assòtzius chi ddoi funt in su territòriu cosa sua.*
- 2. Cun custa tarea, sa Giunta comunali, a pustis de sa pregunta de is interessaus, arregistrat is assòtzius chi traballant in su territòriu comunali, e puru is setzionis localis de assòtzius de importu sovracomunali.*
- 3. Po podi arriciri sa registratzioni est netzessàriu chi s'assòtziu alloghit in su comunu còpia de su statutu e chi fetzat sciri aundi est sa sei e su nòmini de su rapresentanti legali.*
- 4. No est permiù su arreconoscimentu de assòtzius a is scusi o chi tenint piessinnus no cumpatìbilis cun is inditus generalis donaus de sa Costitutzioni, is arrègulas vigentis e custu statutu.*
- 5. Is assòtzius arregistraus depint presentai dònna annu su bilànciu insoru.*
- 6. Su Comunu podit promovi e apariciai sa Consulta de is Assòtzius.*

#### **ART. 30**

##### ***Agiudus a is assòtzius***

- 1. Su Comunu podit donai a is assòtzius, a foras de is partidus politicus, agiudus econòmicus de impreai po su cumprimentu de s'atividadi assotziadora.*
- 2. Su Comunu in prus podit puru ponni a disposidura de is assòtzius, numenaus in su comma de innantis, a titulu de agiudus in natura, struturas, cosas o servìtzius a de badas.*
- 3. Is maneras de spartzidura de is agiudus o de gosu de is struturas, cosas e servìtzius de s'enti est cuncordada aintru de unu regulamentu apòsitu, de manera de assegurai a totus is assòtzius is pròpias oportunitadis.*
- 4. Su Comunu podit gestiri servìtzius in paris cun is assòtzis de boluntariau arreconnotus a livellu natzionali e fichias aintru de s'albu regionali apòsitu. Sa spartzidura de is agiudus e is maneras de sa cullaboratzioni ant a èssiri cuncordadas aintru de unu regulamentu apòsitu.*
- 5. Is assòtzius chi ant arriciu agiudus de dinai o in natura po parti de s'enti depint scriri a s'acabu de dònna annu unu rendicontu chi ndi pongat a craru s'impreu.*

## **ART. 31**

### **Volontariau**

- 1. Su Comunu impèllit furmas de boluntariau po imbordigai sa popolatzioni in atividadis chi fetzant amellorai sa calidadi de vida personali, civili e sotziali, in manera particulari de is fàscias chi arriscant sempri s'emarginatzioni, e puru po s'amparu de s'ambienti.*
- 2. Su Comunu assigurat chi is prestatzionis de atividadis voluntàrias e a indonu punnendi a s'interessu culletivu e cunsideradas de importu generali tèngiant is mesus netzessàrius po sa arrennèscida mellus cosa sua.*

## **CÀBUDU III**

### **Maneras de partecipazioni**

## **ART. 32**

### **Consultatzionis**

- 1. S'aministratzini comunali podit cumandai consultatzionis de sa popolatzioni cun sa tarea de ndi arregolli parris e prepostas chi pertocant s'atividadi amministrativa.*
- 2. Is formas de custas consultatzionis ddas decidit unu regulamentu apòsitu.*

## **ART. 33**

### **Petizzionis**

- 1. Chinesisat, fintzas is chi no tengiant sa residèntzia in su territòriu comunali, podit preguntai impari a is àterus citadinus a is òrganus de s'aministratzioni comunali po ndi strumbullai s'interbennida in chistionis de interessu comunu e po fai connosci is abisòngius de piessinnu colletivu.*
- 2. Sa arregòllida de acòrdius podit acuntessi chena de nisciuna furmalidadi a suta de su testu innui s'agatant allistadas is preguntas fatas a s'aministratzioni.*
- 3. Sa petizzioni dda intregant a su Sìndigu chi, aintru de 10 diis, dda donat a dda esaminai a s'òrganu cumpetenti e ndi imbiat una còpia a is trumas chi funt aintru de su Cunsillu*
- 4. Chi sa petizzioni est firmada de a su mancu 30 personas s'òrganu cumpetenti depit torrai sceda aintru de 30 diis de s'arricida.*
- 5. Su chi at decidiu s'òrganu cumpetenti, impari cun su testu de sa petizzioni, ddu pubricant po mesu de s'apicadura cosa sua me is logus stabillius po custu e, a dònna manera, po ndi podi permiti sa connoscèntzia a totu cussus chi ant firmau e chi bivint in su territòriu comunali.*
- 6. Chi sa petizzioni est firmada de assumancu centu personas, dònna cuntzilleri podit fai domanda cun istantza apòsita chi s'arrexonit de su testu de sa petizzioni in sa sètzada de su Cunsillu Comunali chi benit, chi s'at a depi tzerriai aintru de 20 diis.*

## **ART. 34**

### **Propostas**

- 1. Miticoi unu nùmeru de is eletoris de su Comunu no prus bàsciu de centucinquanta fatzat a su Sìndigu propostas po s'impreu de àutus aministrativus de cumpetèntzia de s'enti e custas propostas siant acraradas contu contu aici de no lassai duda peruna de su naturali de s'àutu e de su cuntènniu cosa sua, su Sìndigu, otènniu su parri de is responsàbilis de is servìtzius interessaus e de su Segretàriu comunali imbiat sa presposta impari cun is parris a s'òrganu cumpetenti e a is trumas de su Consillu comunali intru 30 diis de s'arrìcida.*
- 2. S'òrganu cumpetenti podit intendi is chi faint sa proposta e depit arrici is determinatzionis cosa sua a manera formali intru is 30 diis de s'arrìcida de sa proposta.*
- 3. Is determinatzionis chi ddoi funt in su comma de innantis funt publicada in logu apòsitu e funt naradas a manera formali a is primus tres firmatàrius de sa proposta.*

## **ART. 35**

### **Referendum**

- 1. Unu nùmeru de eletoris chi no siat prus pagu de su 30% de is iscritus me is listas elettoralis podit pediri chi bèngiant aprontaus referendum po dònna chistioni de cumpetèntzia comunali.*
- 2. No podint èssiri ordinaus referendum chi pertochint s'argumentu de is tributus localis e de tarifas, de atividadis aministrativas obrigadas a avincus de leis statalis o regionalis e nemancu candu po cussa chistioni etotu apant giai ordinau unu referendum me is ùrtimu cincu annus. In prus funt foras de sa podestadi referendària puru custas chistionis:*
  - a) statutu comunali;*
  - b) regolamentu comunali*
  - c) pianu regoladori generali e ainas urbanìsticas po su fai;*
- 3. Sa domanda chi si fai a is eletoris si depit cumprendi a deretu e no depit ocasionai faddinas;*
- 4. Funt amìtias preguntas de referendum puru po cussu chi pertocat àutus aministrativus giai aprovaus de is òrganus cumpetentis de su Comunu, foras de cussus chi pertocant is chistionis asuba arremonadas in su comma 2;*
- 5. Su Consillu Comunali aprovat unu regolamentu innui si cuncordant is proceduras de amitibìladadi, is maneras de arregòllida de firmas, su sbodiai de is consultatzionis, sa balididadi cosa insoru e sa proclamatzioni de s'arresultau.*
- 6. Su Consillu Comunali depit pigai àutu de s'arresultau de sa consultatzioni referendària aintru de 30 diis de sa proclamatzioni de s'arresultau e bessiri unu àutu formali po s'ogetu de cussa etotu.*

7. No si sighit cun is fainas de su comma asuba chi no at pigau parti a is consultatzionis assumancu sa mitadi de cussus chi ndi teniant diritu.
8. Miticoi sa proposta, sutaposta a referendum, siat aprovat de sa majoria prena de is chi tenint diritu a su votu, su Consillu comunali e sa Giunta no podint pigai decisionis contras a custa.

### **ART. 36**

#### **Intrada a is àutus**

1. Dònnia citadinu a cunfromu de sa normativa vigenti tenit intrada libera a castiai is àutus de s'aministratzioni comunali e de is sogetus, fintzas privaus, chi atendent a is servìtzius pùblicus..
2. Si podint negai e tenni cuaus sceti is àutus chi dispostas legislativas craras ant decrarau de allogai o postus asuta de trèminis de spratzinadura.
3. Sa consultatzioni de is àutus arremonaus in su primu comma, si depit fai chentza de formalidadis, cun d-una pregunta motivada de s'interessau, me is tempus stabillius de sa lei.
4. Miticoi neghint s'intrada a in àutus, si podit fai recursu a su TAR intru 30 diis, o presentai domanda a su Difensori Cìvicu, chi ddu ant nominau, me is trèminis e me is maneras aici a cumenti narat sa lei e de su regolamentu
5. Chi benit dennegau, depint èssiri scoviaus totu is artìculus de lei o de regolamentu chi strobant a sa spratzinadura de s'àutu pediu.
6. Su regulamentu amostat is tempus, is maneras e is trèminis po s'impreu de is diritus previdius in custu artìculu.

### **ART. 37**

#### **Diritu de informu**

1. Totu is àutus de s'aministratzioni, foras de cussus chi tenint didtinatàriu determinau, funt pùbricus e depint essi pubricizaus beni.
2. Sa pùbricada acuntessit, a norma, po mesu de apicadura in d-unu logu apòsitu, innui totus podit aciungi, postu in s'intrada de sa domu comunali e, chi su Sìndigu ddu inditat, in àterus logus apòsitus, distinaus a custu.
3. Su Segretàriu atendit a s'apicadura e si serbit de su bandidori e, po mesu de s'atestatzioni de custu, ndi certificat sa pùbricatzioni.
4. Is àutus chi tenint unu distinatàriu determinau depint èssi notificaus a cussu etotu.
5. Is pragonis, is conferimentus de contributus a entis, e assòtzius depint essi pubricizaus po mesu de apicadura.

## **CÀBUDU IV**

### **Amparadori Cìvicu**

#### **ART. 38**

#### **Nòmina**

1. *In virtudi de s'art. 11 de su T.UEE.L.L. de su 18.08.2000 n. 267, posit essi nominau unu Amparadori Cìvicu, cun su còmputu de assigurai s'impartzialidadi e su bonu andamentu de sa Pùbrica Aministratzioni comunali.*
2. *Miticoi bengiat istitui, s'amparadori cìvicu est numenau de su Consillu Comunali, foras chi no siat scioberau cumentu cunventzionamentu imparis cun àterus comunus o cun sa provìntzia de Casteddu, a scrucullu cuau e cun sa majoria de is duus tèrtzius de is cuntzilleris.*
3. *Dònna citadinu chi tèngiat is tìtulus chi s'agatant allistaus in custu artìculu podit fai lompi sa candidadura cosa sua a s'aministratzioni comunali chi ndi apariciat s'elencu apòsitu apustis de ndi ai scrucullau is tìtulus.*
4. *Su scioberu de su amparadori cìvicu depit acuntessi intru de genti chi po preparatzioni e po esperièntzia donint una seguresa manna de indipendèntzia, onestadi e cumpetèntzia giurìdicu-aministrativa e tèngiant su diploma de làurea in scièntzias politicas, giurisprudenza, economia e cumèrciu o simbillantis.*
5. *S'amparadori cìvicu aturat in càrriga cantu su consillu chi dd'at elìgiu, e fait su traballu cosa sua fintzas a s'apomentamentu de cussu nou chi at a intrai.*
6. *No podit essi nominau Amparadori Cìvicu:*
  - a) *chini siat in stadu de inelegibìlidadadi a sa càrriga de cuntzilleri comunali;*
  - b) *is parlamentarìs, is cuntzilleris regionalis, provincialis e comunalis, is membrus de is cunsòrtzius intru de is comunus e cussus de is comunidadis montanas, is membrus de su cumitau regionali de scrucullu, is ministrus de cultu, is membrus de partidus políticus;*
  - c) *Is dipendentis de su Comune, is amministradoris e is dipendentis de personas giurìdicas, entis, istitutus e aziendas chi tengiant cuntratu cun s'aministratzioni comunali o chi arriciant de custa agiudus in dinai e contributus;*
  - d) *chini fait traballus autònomu po s'aministratzioni comunali;*
  - e) *chini siat cojau o tèngiat relatas de famiglia o de afinidadi a intru de su de cuatru gradu cun amministradoris de su comune, traballadoris cosa sua o cun su segretàriu comunali.*

#### **ART. 39**

#### **Decadèssida**

1. *Su Amparadori Cìvicu decadit de s'incàrrigu cosa sua miticoi ndi lompat unu stadu chi ndi strobessit sa nòmina o miticoi issu impreit cumentu privau càusas chi pertocant s'aministratzioni comunali.*

2. Sa decadèssida dda fait sciri su Consillu comunali.
3. S'amparadori cìvicu podit èssiri discumbidau de s'incàrrigu cosa sua po movitivas grais cun deliberatzioni pigada a majoria de is duus tèrtzius de is cunsilleris.
4. In s'ipòtesi de surroga, po discumbidu, decadèssida o dimitiduras innantis chi acabit sa scadèssida naturali de s'incàrrigu, at a tocai a su Consillu Comunali a nci pensai.

## **ART. 40**

### **Funtzionis**

1. S'amparadori cìvicu tenit sa tarea de interbenni anca is òrganus de su comunu po assegurai sa posta a menti de custu statutu e de is regulamentus comunalis, cumentu puru s'arrespetu deis deretus de is citadinus italianus e stràngius.
2. S'amparadori cìvicu depint interbenni a pustis de sa pedidura de is interessaus o po iniziativa cosa sua dònna borta chi pensat chi est stètia violada sa lei, su statutu o su regulamentu.
3. S'amparadori cìvicu traballat de manera chi sa violatzioni, po cussu chi est possìbili, bèngiat bogada e podit donai inditaduras a sa parti ofèndia poita cussa etotu potzat amparai is diritus cosa sua e is interessus me is bisuras de lei.
4. S'amparadori cìvicu in prus depit billai poita a totu is citadinus bèngiant arreconnotus is matessi diritus.
5. S'amparadori cìvicu depit assigurai s'imbordigamentu cosa sua a bantaxu de chinisiat bèngiat anca de issu; issu depit èssiri a disposidura po su pùbricu in s'uficiu cosa sua assumancu una dii a sa cida.

## **Art. 41**

### **Facultadis e prerogativas**

1. S'uficiu de s'amparadori cìvicu tenit sa sei anca funt is aposentus idòneus postus a disposidura po parti de s'aministrazzioni comunali, impari cun is mesus e is ainas necessàriu po fai beni s'incàrrigu cosa sua.
2. S'amparadori cìvicu fendi su mandau cosa sua podit scrucullai is àutus e is documetus chi tenit s'Aministrazzioni Comunali e is cuncessionàrius de is servìtzius pùbricus.
3. In prus issu podit tzerriai a su responsàbili de su servìtziu imbordigau e ddi pediri is documentus, is noas e acramentus chena chi potzant impreai su segretu de uficiu.
4. S'amparadori cìvicu scòviat intru 30 diis s'arresultau de su traballu cosa sua, a boxi o scriendi a su citadinu chi ddi at pediu s'interbènnida e sinnalat a is òrganus comunalis o a sa magistradura is strobis, is illegitimidadis o is tradus agataus.
5. S'amparadori cìvicu in prus podit cumbidai s'òrganu cumpetenti a arriciri is àutus amministrativus chi cunsiderat profetosus, cuncordendi-ndi, si serbit, su cuntènniu.

6. Est scioberu de s'amparadori cìvicu, cumentu garanti de sa imparzialidadi e de s'andamentu profetosu de is atividadis de sa p.a. de presentziai, chena diritu de votu o de interbènnida, a is sètzidas pùbricas de is cumissionis de cuncursu, astas pùbricas, licitatzionis privadas, arrendus de cuncursu. Po custa tarea depit èssiri informau de sa dii de cussus acorrus.

## **Art. 42**

### **Relata annuali**

1. S'amparadori cìvicu presentat dònna annu, intru de su mesi de martzu, sa relata chi pertocat s'atividadi fata s'annu a innantis, amostendi is acuntèssius sighius, is strobis e is tradus e is illegitimidadis agataus e adelantendi is inditus chi pensat siant is prus profetosas po aconciai totu.

2. S'amparadori cìvicu in sa relata arremonada in su primu comma podit puru amostai propositas chi potzant amellorai su funtzionamentu de s'atividadi amministrativa e s'atòliu de is servìtzios pùbricus, cumentu puru a assigurai s'imparzialidadi de is sciobers.

3. Sa relata depit èssiri posta in s'albu pretòriu, imbiada a totus is cuntzilleris comunalis e arrexonada aintru de 30 diis in su Consillu Comunali.

4. Dònna borta chi ddoi est sa possibilidadi, s'amparadori cìvicu podit sinnalari acuntèssius o chistionis a su Sìndigu cun sa tarea de ddus chistionari in su Consillu Comunali, chi depit èssiri apariciu aintru de 30 diis.

## **Art. 43**

### **Indennidadi de funtzioni**

1. A s'amparadori Cìvicu ddi donant una pagamenta a tìtulu de rimbussu de is gastus, chi no at ant a depi probassai su tanti stabiliu dònna annu de sa Giunta

## **CÀBUDU V**

### **Procedimentu amministrativu**

## **Art. 44**

### **Deretu de interbènnida in is procedimentus**

1. Chinisiat tengiat unu diritu o unu interessu legìtimu imbordigau in unu procedimentu amministrativu tenit su scioberu de nci pigai parti, a foras de is acuntèssius chi funt proibius de sa lei o de su regulamentu.



2. S'aministratzioni comunali depit ponni pùbricu su nòmini de su funtzionàriu responsàbili de sa procedura chi depint impreai, is scioberus apitzus de s'allega e su trèmini intru de su cali is scioberus depint èssiri arricius.

#### **Art. 45**

### **Procedimentus a istàntzia de parti**

1. In s'acuntèssiu de procedimentus a istàntzia de parti su sogetu chi at adelantau s'istàntzia podit pediri de èssiri ascurtau de su funtzionàriu chi depit torrai sceda apitzus de cussa allega.
2. Su funtzionàriu depit ascurtai s'interessau aintru de 30 diis de sa pedidura o in unu tempus prus lestru scioberau de su regulamentu.
3. Po dònna istàntzia chi bolit arriciri sa spartidura de unu àutu o unu provedimentu aministrativu depit èssiri donada una sceda scritta in su trèmini cumandau de su regulamentu, de dònna manera no prus a tradu de 60 diis.
4. In s'acuntèssiu chi s'àutu o su provedimentu pediu potzat strobai a diritus o interessus legitimus de àtera genti, su funtzionàriu responsàbili depit donai a issus comunicatzioni de sa pedidura arricia.
5. Custus podint imbiai a s'aministratzioni preguntas, memòrias, propostas o adelantai documentus aintru de 15 diis de s'arricidura de sa comunicatzioni.

#### **Art. 46**

### **Procedimentus impèllius de uficiu**

1. In s'acuntèssiu de procedimentus impèllius de uficiu su funtzionàriu responsàbili ndi depit donai missada a totu cussus chi tèngiant diritus o interessus legitimus chi potzant essi strobaus de s'impreu de cussu àutu aministrativu, ponendi su trèmini no prus bàsciu de 15 diis, a foras de acuntèssius apretaus meda e nomenaus in su regulamentu, aintru de su cali is imbordigaus podint intregai preguntas, arremònius, propostas o amostai documentus.
2. Cussus imbordigaus podint, in prus, in cussu trèmini etotu, pediri de essi ascurtaus a deretu de su funtzionàriu responsàbili chi depit scioberai apitzus de s'allega.
3. Si po mori de su nùmeru mannu meda de is imbordigaus iat a èssiri traballoa meda sa comunicatzioni personali arremònada in su primu comma est permiu a dda arremprasai cun sa publicatzioni, in virtudi de s'art. 37 de su statutu.

#### **Art. 47**

### **Determinatzioni de su cuntènniu de s'àutu**

1. In is acuntèssius previdius de is duus articulus innoi arremonaus, e sèmpiri chi siant stètias sighias beni totu is proceduras cumandadas ingunis, su cuntènniu bolitivu de s'àutu poditarresultai de unu acòrdiu intre su sogetu privau imbordigau e su funtzionàriu responsàbili in rapresentàntzia de s'aministratzioni.

2. In custu acuntèssiu est necessàriu chi de custu acòrdiu bèngiat donau àtu in sa sterrina e chi su cuntènniu de s'acòrdiu etotu a dònna manera siat aici de assigurai s'interessu pùbricu e s'impartzialidadi de s'aministratzioni.

## **TÌTULU IV**

### **Atividadi Aministrativa**

#### **Art. 48**

#### **Tareas de s'atividadi aministrativa**

1. Su Comunu cunfromat su traballu aministrativu cosa sua a is princìpius de democratzia, de partecipatzioni, de craresa, de eficèntzia, de atòliu, de economitzidadi e de simpresa de is proceduras.
2. Is òrganus istituzionalis de su comunu e is dipendentis responsàbilis de is servìtzius depint atendi a is istàntzias de is imbordigaus me is maneras e me is trèminis ordinaus de sa lei, de custu statutu e de is regulamentus de atuatzioni.
3. Su comunu, cun sa tarea de cuntentai is apretus de is citadinus, impreat is formas de partecipatzioni previdias de su statutu, e puru formas de cooperatzioni cun àterus comunus e cun sa provìncia.

#### **Art. 49**

#### **Servìtzius pùbricus comunalis**

1. Su Comunu podit apariciai e cundulli servìtzius pùbricus chi tèngiant cumentis ogetu sa produssidura de cosas e servìtzius o s'esercìtziu de atividadi chi depint s'ghiri tareas socialis e a impelli su cresci econòmicu e civili de sa comunidadi de su logu.
2. Is servìtzius chi si depint cundulli cun diritu de privativa funt scioberaus de sa lei.

#### **Art. 50**

#### **Formas de gerridura de is servìtzius pùbricus**

1. Su Consillu Comunali podit deliberai s'istitutzioni e s'esercìtziu de is servìtzius pùbricus in custas formas:
  - a) in economia, candu po is medidas piticas o po is caraterìsticas de su servìtziu, no siat profetosu apariciai una istituzione o una azienda;
  - b) cumentis cuncessioni a àtera genti, candu ddoi ant is arresonis tènnicas, econòmicas e de profetu socialis;

- c) *imperendi una azienda speciali, puru po sa gerridura de medas servìtzius de importu econòmicu e imprenditoriali;*
  - d) *imperendi una istituzionis, po su traballu de is servìtzius socialis chena importu imprenditoriali;*
  - e) *imperendi sociedadis po atzionis o cun responsabilidadi impiticada cun capitali pùbricu prevalenti, candu fessat utilosu, castiendi a su tipu de su servìtziu de spratzinai, sa partecipatzioni de àterus sogetus pùbricus e privaus;*
  - f) *imperendi cunventzionis, cunsòrtzius, acòrdius de programa, acorradas de comunus e puru totu is àteras formas permittias de sa lei.*
2. *Su Comunu podit pigai parti a sociedadis po atzionis cun capitali pùbricu prevalenti po sa gerridura de servìtzius chi sa lei no chistit de manera escludora a su comunu e bia.*
  3. *Su Comunu podit puru donai un'impèllida e pigai parti, de manera indereta puru, a atividadis econòmicas alliongiadas cun is tareas istituzionalis cosa sua, imperendi is allegas e is trastus de su diritu comunu.*
  4. *Is podèrius, a foras de su referendum, chi custu statutu arreconnoscit a is citadinus cara a is àutus de su comunu, funt allonghiaus puru a is àutus de is aziedas specialis, de is istituzionis e de is sociedadis de capitali a majoria pùblica.*

## **Art. 51**

### **Aziendas Specialis**

1. *Su Consillu Comunali podit deliberai po sa apariciadura de aziendas specialis, chi tèngiant personalidadi giuridica e autonomia de gerridura e imprenditoriali, e ndi aprovat su statutu.*
2. *Is aziendas specialis fundant is atividadis cosa insoru apitzus de is princìpius de trasparèntzia, de eficàcia, de atòliu e de econimicidadadi e tenint su cumandu de su parègiu finanziàriu e econòmicu de lompi àteruessu s'ecuilibriu de gastus e de guadàngius, cumprèndius puru de is tramudus.*
3. *Is servìtzius de cumpetèntzia de is aziendas specialis podint èssiri fatus puru a foras de su territòriu comunali, apustis de sa apariciadura de acòrdius chi potzant assigurai s'economicidadadi e sa calidadi mellus de is servìtzius.*

## **Art. 52**

### **Strutura de is aziendas specialis**

1. *Su statutu de is aziendas specialis ndi cuncordat is struturas, su funtzionamentu, is atividadis e is scrucullus.*
2. *Funt òrganus de is aziendas specialis su consillu de aministratzioni, su presidenti, su diretori e su collègiu de revisioni.*
3. *Su presidenti e is aministradoris de is aziendas specialis funt nomenaus de su Sìndigu intru is chi tenint is requisitus de eligibidadadi cumentu cuntzilleri comunali e*

*chi tèngiant una cumpetèntzia tènnicu-aministrativa speciali po is stùdius fatus, po traballus fatus me aziendas pùbricas o privadas o po uficius gèrrius.*

*4. Su diretori est pigau cun cuncursu pùblicu, sarvu de is acuntèssius prevìdius in su T.U.*

*25781/25 aundi si podit impreai sa tzerriada dereta.*

*5. Su Consillu Comunali fait sa nòmina de su collègiu de is revisoris de is contus, donat su capitali de dotazioni e detèrminat is indiritzus e is tareas de s'aministratzioni de is aziendas, cumprèndias puru is allegas generalis po sa determinatzioni de is tarifas e po sa spartzidura de is cosas e de is servìtzius.*

*6. Su Consillu Comunali aprovat puru is bilàncius annualis e pluriannualis, is programas e su càrculu consuntivu de is aziendas specialis, fendi puru sa billada apitzus de su traballu cosa insoru.*

*7. Is amistradoris de is aziendas specialis podint èssiri bogaus sceti po violatzionis grai de sa lei, mandronia documentada o diferèntzia cara a is indiritzus e a is tareas de s'aministratzioni, aprovadas de su Consillu Comunali.*

### **Art. 53** **Istituzionis**

*1. Is istituzionis funt organismus strumentalis de su comunu chi no tenint personalidadi giurìdica ma tenint autonomia de gerridura.*

*2. Funt òrganus de is istituzionis su Consillu de amministratzioni, su presidenti e su diretori.*

*3. Is òrganus de s'istituzioni funt nomenaus de su Sìndigu chi ddus podit bogai po violatzionis lègias de lei, po mandronia documentada o po o diferèntzia respetu a is indiritzus e a is tareas de s'aministratzioni.*

*4. Su Consillu Comunali detèrminat is indiritzus e is tareas de s'aministratzioni de is istituzionis, cumprèndias puru is inditaduras generalis po scioberai is tarifas po sa spartzidura de cosas o servìtzius, aprovat is balanzus annualis e pluriannualis, is programas e su càrculu consuntivu, fendi puru su traballu de billada apitzus de su traballu cosa insoru.*

*5. Su Consillu de amministratzioni fai puru sa gerridura de s'istituzioni deliberendi in su sítu de is tareas e de is indiritzus aprovaus de su Consillu Comunali e sighendi is maneras apariciadoras e funtzionalis prevìdias in su regulamentu.*

*6. Su regulamentu podit puru prevìdi formas de partecipazioni de is citadinus o de is impreadoris a sa gerridura o a su cuntrollu de s'istituzioni.*

### **Art. 54** **Sociedadis po atzionis o a responsabilidadi impiticada**

*1. Su Consillu Comunali podit aprovai sa partecipazioni de s'enti a sociedadis po atzionis o a responsabilidadi impiticada po sa gerridura de is servìtzius pùbricus, tacoi traballendi puru a sa costituzioni insoru.*

2. *In acuntèssiu de servìtzius pùbricus de importu mannu sa partecipazioni de su comunu, impari cun cussa de àterus entis pùbricus eventualis, at a depi èssiri magioritària po fortza.*
3. *S'àutu apariciadori, su statutu o sa còmpora de cuotas o atzionis depint èssiri aprovadas de su Consillu Comunali e a dònna manera depit èssiri assicurada sa rappresentatividad de is sogetus pùbricus in is òrganus de aministratzioni.*
4. *Su comunu scioberat is rappresentantis cosa sua intru de sogetus de cumpetèntzia tènnica e professionali specìfica, e po fai is àutus de gerridura, cunsiderat is interessus de is consumidoris e de is impreadoris.*
5. *Is cuntzilleris comunalis no podint èssiri nomenaus in is Consillus de aministratzioni de is sociedades po atzionis o a responsabilidadi impiticada.*
6. *Su Sìndigu o unu delegau cosa sua pigat parti a s'acorrù de is associaus cumentis rappresentanti de s'enti.*
7. *Su Consillu Comunali provedit a averiguar dònna annu su traballu de is sociedades po atzionis o a responsabilidadi impiticada e a scrucullai chi s'interessu de sa culletividad bèngiat amparau beni in su sítu de sa atividadi fata de cussa sociedadadi etotu.*

## **Art. 55**

### **Cunventzionis**

1. *Su Consillu Comunali, apustis de sa proposta de sa Giunta, delibèrat cunventzionis apòstas de cuncordai cun aministratzionis statalis, àterus entis pùbricus o cun privaus cun sa tarea de donai servìtzius pùbricus de manera cuncordada.*
2. *Is cunventzionis depint stabiliri is tareas, su tempus, is bisuras de consultazioni de is entis imbordigaus, is relatas finantziàrias cosa insoru e is òbligus e seguràntzias de pari pari.*

## **Art. 56**

### **Cunsòrtzius**

1. *Su comunu podit pigai parti a sa apariciadura de cunsòrtzius cun àterus entis localis po sa gerridura associada de unu o prus servìtzius sighendi is arrègulas postas in contu po is aziendas specialis candu si podint impreai.*
2. *Cun custa tarea su Consillu Comunali aprovat, a majoria prena de is cumponentis, una cunventzioni in virtudi de s'artìculu innoi e innantis arremonau, impari cun su statutu de su cunsòrtziu.*
3. *Sa cunventzioni depit ponni in contu chi est su cunsòrtziu a si fait càrrigu de sa trasmitidura a su comunu de is àutus de fundòriu chi ant a depi èssiri pùbricus a cumentis narat in s'art. 37 comma 2 de custu statutu.*
4. *Su Sìndigu o unu delegau cosa sua fait parti de s'acorrù de su cunsòrtziu cun responsabilidadi aguali a su tanti de partecipazioni scioberau in sa cunventzioni e in su statutu de su cunsòrtziu.*

**Art. 57**  
**Acòrdius de programa**

1. Su Sìndigu po sa stalladura e sa faidura de obras, de interbènnidas o de programas de intrabènnida chi bolint, po sa faidura intrea insorus, s'atzioni integrada e coordinada de su comunu e de àterus sogetus pùbricus, po cussu chi pertocat a sa cumpetèntzia primària o de majoria de su comunu apitzus de sa obra o de is interbènnidas o de is programas de interbènnida, promovit sa serrada de unu acòrdiu de programa po assegurai su coordinamentu de is atzionis e po ndi cuncordai is tempus, is maneras, su finantziametu e dònna àtera allega chi ndi pertocat.
2. S'acòrdiu de programa, chi est su cunsentimentu unànimi de su presidenti de sa regioni, de su presidenti de sa provìntzia, de is sìndigus de is aministrazzionis imbordigadas, benit cuncordau in d-una cunferèntzia apòsita chi provedit puru a s'aprovazzioni formali de s'acòrdiu etotu sighendi s'art. 34 de su T.U.EE.LL. de su 18.08.2000 n. 267.
3. Chi s'acòrdiu benit apariciau cun decretu de su presidenti de sa regioni e ocasionit mudàntzias de is trastus urbanìsticus, s'adesioni de su Sìndigu a cussu depit èssiri cunfrimada de su Consillu Comunali aintru de 30 diis a pena de sa decadèssida.

**TÌTULU V**  
**UFÌCIUS E PERSONALI**  
**CÀBUDU I**  
**UFÌCIUS**

**ART. 58**  
**Principius struturalis e organizativus**

1. S'aministrazzioni de su Comunu si fait po mesu de is tareas specifìcas e depit ponni infatu a is principius chi sighint:
  - a) un'organizazzioni de su traballu po progetus, tareas e programas;
  - b) s'anàlisi e sa sceradura de is produtividades e de is incàrrigus funtzionalis de traballu e de su livellu de atòliu de dònna elementu de s'aparau;
  - c) sa stalladura de is responsabilidadi chi pertocant s'acuntèssiu de autonomia decisionali de is sogetus;
  - d) su probassai de sa pratzidura tetera de is cumpetèntzias in sa pratzimenta de su traballu e s'agilesa de is struturas e de su personali po sa collaborazzioni prena intru de is uficius.

## **ART. 59**

### **Ordinàngiu de is uficius e de su personali**

1. Su Comunu donat inditus po mesu de àutus apositus po su chi pertocat sa dotatzioni orgànica de su personali e, a cunfromu de custu statutu, po s'organizatzioni de is uficius e de is servìtzius tenendi in contu de sa diferèntzia intru funtzioni politca de indiritzu e de càstiu chi cumpetit a su Consillu Comunali, a su Sìndigu e a sa Giunta e funtzioni de gestioni aministrativa chi cumpetit a su Diretori Generali, a is Dirigentis, a is Funtzionàrius e Responsàbilis de is uficius e de is servìtzius.
2. Is uficius funt cuncordaus segundu is principius de craresa, atòliu e collaboratzioni e is critèrius de funtzionalidadi, economicidadi de gestioni e agilesa de sa strutura.
3. Is servìtzius e is uficius traballant tenendi in consideru is apretus de is citadinus, cuncordendi dònna borta sa pròpia atzioni aministrativa e is servìtzius cumbidaus, averiguendi ndi chi custus crodsint o nono cun is apretus de is citadinus.
4. Is oràrius de is servìtzius abertus a su pùbricu funt fissaus po cuntentai mellus is apretus de is citadinus.

## **ART. 60**

### **Regolamentu de is uficius e de is servìtzius**

1. Su Comunu po mesu de su regolamentu de organizadura deciddit is normas generalis po sa cuncordadura e su funtzionamentu de is uficius, e a manera particolari, is cumpetènzias e is responsabilidadi de dònna strutura organizadora, is raportus intru uficius e servìtzius, su Diretori generali e is òrganus aministrativus.
2. Is regolamentus ponint infatu a su principiu chi donat a is òrganus de governu sa funtzioni politca de indiritzu e de càstiu, est a nai sa podestadi de deciddi cun autonomia prena is tareas e is iscopus de s'atzioni aministrativa in dònna setori e de ndi averiguai sa cumpridura; a su Diretori, chi nominau, a is funtzionàrius responsàbilis spetat, po lompi a is tareas assinnadas, su còmputu de definiri, chi crosint cun cussus istituzionalis, is tareas prus operativas e sa gerridura aministrativa, tènnica e contabili segundu principius de professionalidadi e responsabilidadi.
3. S'organizatzioni de su Comunu s'apariciat in unidadi operativas chi funt postas impari, segundu is critèrius de simbillàntzia, in struturas sèmpiri prus mannas cumentu disponit su regolamentu apositu, fintzas po mesu de struturas atruessu o de staff intrasetoriali.
4. Su Comunu àplicat is acòrdius collettivus natzionalis aprovaus de sa lei e amparat s'organizatzioni sindacali liera de is dependentis acordendi. sì cun is rapresentàntzias sindacalis po fai cuntratus coletivus decentraus in virtudi de is normas de lei e de acòrdiu bàlidus.

## **ART. 61**

### **Diritus e depiri de is dependentis**

1. *Is dipendentis comunalis, assetiaus in arrolus orgànicus e ordinaus po categoria e bisura professionali a cunfromu de sa disciplina generali chi pertocat su stadu giuridicu e s'acumpentzu econòmicu de su personali decèdiu de sa lei e de is acòrdius colletivus natzionalis faint su traballu insoru a su servìtziu e po su bonu proi de is citadinus*
2. *Dònna dipendenti depint fai cun acivimentu e lestresa is traballus e cumpriri is fainas de is uficius e servìtzius insoru e, arrispetendi is arrolus e is cumpetènzias, lompì a is tareas donadas. Issu est puru in deretura responsàbili faci a su Diretori, chi est stètiu nominau, a su responsàbili de is uficius e de is servìtzius e s'aministratzioni de is àutus cumperius e de is arresultaus lòmpius in s'esercìtziu de is funtzionis cosa sua.*
3. *Su regulamentu po s'ordimìngiu de is uficius e de is servìtzius e is cuntratus colletivus de traballu, decedit is cunditionis e is maneras chi su comunu imperat po annoai e amanniai sa cumpetènzia professionali de su personali, assigurat cunditionis de traballu adatas a ndi amparai sa saludi e interessa psicofisica e assigurat esercìtziu prenu e beru de is libertadidis e diritus sindacalis.*
4. *S'aprou de is arrolus de is tributus e de is canonis e finas, in rapresentàntzia de s'enti, de is cuntratus, cumpetit a su personali responsàbili de dònna àrea e de is dferentis servìtzius, arrispetendi is diretivas donadas de su Sìndigu, de su diretori, chi nominau, e de is òrganus collegialis.*
5. *Su personali arremonau in su comma de innantis atendit a donai is autorizatzionis comercialis, de politzia amministrativa, e finas is autorizatzionis, de is cuncessionis ediltzias e a sa bessida de is pragonis, sceti po cussas chi no funt de apretu.*
6. *Su regulamentu de ordimìngiu stallada formas e maneras de gerridura de sa tènnostrutura comunali.*

## **CÀBUDU II**

### **Personali direttivu**

#### **ART. 62**

#### **Diretori generali**

1. *Su Sìndigu apustis chi sa Giunta at deliberau, podit nominai unu Diretori Generali, in prus de sa dotatzioni orgànica e cun d-unu cuntratu a tempus determinau, a cunfromu de is critèrius stabilius de su regulamentu organizadori e apusti de ai cuncordau una cunventzioni apòsita intru comunus chi impari arribant a 15 milla abitantis.*
2. *Tacoi su Diretori generali at a depi atendi a sa gerridura de is servìtzius intru is comunus imbodrigaus.*



## **ART. 63**

### **Còmputus del Diretori generali**

1. Su Diretori Generali est incarrigau a ndi pesai is indiritzus e is tareas stabilius de is òrganus de guvernu de s'Enti a cunfromu de is dispostas chi, a s'ocasioni, ddi at a donai su Sìndigu.
2. Su Diretori generali atendit a sa gerridura de s'enti punnendi a is gradus prus artus de acivimentu e atòliu intru is responsàbilis de servìtziu chi impetanti arrespundint in s'esercìtziu de is funtzionis cosa insoru.
3. Sa dura de s'incàrrigu no podit brincai cussa de su mandau eletorali de su sìndigu chi ddu poditdiscumbidai de s'incàrrigu chi no arrennescit a cumpriri is tareas assenniadas o candu siat contras a is polìticas aministrativas de sa giunta, e finas in dònna àtera ocasioni importosica gravi.
4. candu no arresultat cuncordada sa cunventzioni po su servìtziu de diretzioni generali, su sìndigu podit intregai is funtzionis de su diretori generali a su Segretàriu comunali, apustis de ai intèndiu sa giunta comunali.

## **ART. 64**

### **Funtzionis de su Diretori**

1. Su Diretori Generali aprontat sa proposta de su pianu esecutivu de gestioni e de su pianu detalliau de is tareas postu in contu de is normas de sa contabilidadi, a cunfromu de is dispostas chi, a s'ocasioni, ddi at a donai su Sìndigu e sa Giunta Comunali.:
2. In particolari su Diretori Generali:
  - a) aprontat, in basi a is diretivas de su Sìndigu, programas de ordimìngiu o de faimentu, relatas o stùdius;
  - b) organizat e cundullit su personali ponendi infatu is inditus funtzionalis donaus de su Sìndigu e de sa Giunta;
  - c) averiguat s'atùlliu e s'acivimentu de is uficius e su personali
  - d) promovit fintzas is protzedimentus disciplinaris chi pertocant is Dirigentis, a is Funtzionàrius e a is Responsàbilis de is uficius e de is servìtzius e donant sa santzioni stabilia de su regolamentu de acòrdiu cun is chi est postu in contu me is cuntratus colletivus de traballu;
  - e) aprovat is missionis, is prestatzionis de traballu strordinàriu, is congedus, is permissus de is Dirigentis o de is Responsàbili de is Servìtzius
  - f) ndi bessit is àutus de esecuzionis de is deliberatzionis chi no funt demandaus a sa competèntzia de su sìndigu o de is responsàbilis de is servìtzius;
  - g) atendit a is protzessus de mobilitadi intra is setoris de su personali;
  - h) riesamina annualmente, sentiti i responsabili dei settori, l'assetto organizzativo dell'ente e la distribuzione dell'organico effettivo, proponendo alla Giunta e al Sindaco eventuali provvedimenti in merito;

- i) promovit is protzedimentus e acullit ia àutus de cumpetèntzia de is Dirigentis, de is Funtzionàrius e de is Responsàbilis de is Servìtzius candu custus siant ausèntis o inadempientis, apustis de ai fatu fai imbistigu a su servìtziu chi cumpetit.
- j) promovit e apoderat is certus, e podit conciliai e transìgiri.

## **ART. 65**

### **Responsàbilis de is uficius e de servìtzius**

1. Is responsàbilis atendit a codrimingiai is uficius e is servìtzius assenniaus in basi a is inditus de su Diretori Generali, chi nominau, e fintzas de su Segretàriu comunali e segundu is direttivas donadas de su sìndigu e de sa giunta comunali;
2. Issus in s'acuntèssiu de is cumpetèntzias chi ddis ant donau atendit a cundulli s'atividadì de s'enti e a su faimentu de is indiritzus e a sa cumpridura de is tareas inditadas de su Diretori, chi nominau, de su sìndigu e de sa giunta.

## **ART. 66**

### **Funtzionis de is responsàbilis de is uficius e de is servìtzius**

1. Is responsàbili de is uficius e de is servìtzius cuncordant in rapresentàntzia de s'enti is cuntratus, aproant is arrolus de is tributus e de is canonis, cundullint is proceduras de apaltu e de cuncursu e atendint a is àutus de gestioni finantziària, fintzas s'assuntzioni de is impènnius de gastu;
2. Issus atendint puru a is autorizazioni o cuncessionis e faint puru is funtzionis chi s'ghint:
- a) Funt is presidentis de is cumissionis de gara e de cuncursu, si pigant sa responsabilidadi de is procedimentus e proponint a sa giunta su scèberu de àterus personis;
  - b) Faint is autorizazioni e is certificazioni;
  - c) Ndi bessint informus, verbalis, difidas e dònna àteru àutu chi abisòngiat giudìtziu e connoscèntzia, cumentis is bandus de gara e is avisus de pùbricazioni de is ainas urbanìsticas;
  - d) Atendit a is autenticazioni e a is legalizazioni;
  - e) Faint is pragonis de sciùsciu de is fraigus foras de sa lei e ndi curant s'esecuzioni;
  - f) ndi bessint àterus pragonis postas in contu de sa lei sarvu cussas de s'art. 54 de su Dlgs 267/2000;
  - g) promovint is procedimentus disciplinàris fronti a su personali e a is sutapostus cosa insoru e adotant is sanzionis me is trèminis e cun is proceduras postas in contu de sa lei e de su regolamentu;

- h) *Atendint a su faimentu lestru e deretu de is deliberatzionis de sa giunta e de su consillu e a is diretivas donadas de su sindigu e de su diretori, chi ddu ant nominau;*
  - i) *forniscono al Sindaco e al Direttore, se nominato", nei termini di cui a regolamento di contabilità gli elementi per la predisposizione della proposta di piano esecutivo di gestione*
  - j) *permitint su traballu straordinariu, is fèrias, is recupers, is missionis de su personali dipendenti segundu is diretivas donadas de su Diretori generali.*
  - k) *concedono le licenze agli obiettori di coscienza in servizio presso il Comune;*
  - l) *Arrespundint, cara a su Diretori generali e a s'aministratzioni, de is tareas assenniadas e chi no funt stètia cumpridas.*
3. *Is responsàbilis de is uficius e de is servìtzius podint delegai s'esercìtziu de is funtzionis arremonadas innantis a su personali chi tenint a issus sutapostu, ma cumentisiat ant a abarrai issus responsàbilis de sa cumpridura de is còmputus assinniaus.*
4. *Su Sindigu podit delegai a is responsàbilis de is uficius e de is servìtzius fintzas àteras funtzionis chi no funt postas in contu de su statutu e de is regolamentus, donendi a s'acuntèssiu is diretivas chi serbint po ndi ddas pesai.*

## **ART. 67**

### **Incàrrigus specialis e de collaboratzioni arta**

1. *Su Sindigu, me is formas, cun trèminis e a maneras postas in contu de sa Lei, e de su regolamentu asuba de s'ordinamentu de is uficius e de is servìtzius, podit deliberai a foras de sa dotazioni orgànica s'assuntzioni cun cuntratu a tempus determinau de personali dirigenti o de specializatzioni arta candu intru de is dependentis no ddoi siant is professionalidadi chi serbint.*
2. *Su Sindigu candu unu postu siat lieru o po àteras movitivas gravis podit assinniai, me is fromas e a maneras postas de su regolamentu, sa titularidadi de is uficius e servìtzius a su personali cun cuntratu subordinau a tempus, in virtudi de s'art. 110 de su DLgs 267/2000.*
3. *Is contratus a tempus determinau no podint essi furrius a tempus indeterminau, sarvu chi no ddu permitant normas de lei apòsitas.*

## **ART. 68**

### **Collaboratzionis foranas**

1. *Su regolamentu podit pigai in contu collaboratzionis foranas, a professionalidadi arta, cun raportu de traballu autònomu po tareas determinadas e cun cunventzionis a trèmini.*
2. *Is normas po s'intregu de is incàrrigus de collaboratzioni a sogetus foranus a s'aministratzioni ndi depint decidi sa dura, chi no at a podi brincai sa dura de su programa, e is critèrius po determinai su cumpesu econòmicu.*

**ART. 69**  
**Uficiu e indiritzu de càstiu**

1. Su regulamentu podit pigai in contu de ndi pesai uficius dependentis a deretu de su Sìndigu, de sa Giunta o de is assessoris, po s'esercìtziu de is funtzionis de indiritzu e de càstiu chi sa lei ddis donat, innui funt postus a traballai is dependentis de s'enti o de collaboradoris assuntus a tempus determinau basti chi s'enti no siat sderrutu e/o no s'agatit in acuntèssiu struturali mancanti cumentu arremonau in s'art. 45 de su DLgs n. 504/92.

**CÀBUDU III**  
**Su Segretàriu comunali**

**ART. 70**  
**Segretàriu comunali**

1. Su Segretàriu comunali est nominau de su Sìndigu e scioberau de custu in s'albu apostu.
2. Su Consillu Comunali podit fai cunventzionis cun àterus comunus po sa gerridura consortili de s'uficiu de su Segretàriu comunali.
3. Su stadu giuridicu e su cumpentzu econòmicu de su Segretàriu comunali funt decidius de sa lei e de sa contratatzioni colletiva.
4. Su Segretàriu comunali, arrispetendi is direttivas donadas de su Sìndigu, donada consulèntzia giuridica a is òrganus de su Comune, a dònna cuntzilleri e a is uficius.

**ART. 71**  
**Funtzionis de su Segretàriu comunali**

1. Partècipat a is arròllius de sa Giunta e de su Consillu e ndi scriri is verbalis, chi firmat impari cun su Sìndigu o su Presidenti de su Consillu;
2. Podit partecipai a cumissionis de stùdiu e de traballu de aintru de s'Enti e, cun su permissu de su Sìndigu, a cussas foranas; donat, candu si ddu domandant, su parri de zènia tènnicu-giuridicu a is Òrganus de su Comune;
3. Su segretàriu comunali est presidenti de s'uficiu comunali po is eletzionis in ocasioni de is consultatzionis popularis de is referendum e arricit is dimitiduras de su Sìndigu, de is assessoris e de is cuntzilleris e fintzas is propostas de discumbidu e sa motzioni de scunfiantza.
4. Scriri is cuntratus de su Comune, candu s'Enti est parti, candu no abisongit de notàiu, e autenticat is scritus privaus e is àutus unilateralis de s'enti,
5. Esèrcitat dònna àtera funtzioni chi custu Statutu, su regulamentu, su Sìndigu o su Presidenti de sa Provìncia ddis donat.

6. *Esèrcitat is funtzionis de Diretori generali cumentu postu in contu de s'art. 108, comma 4 de su T.U.EE.L. de su 18.08.2000 n. 267.*

## **ART. 72**

### ***Vice Segretàriu comunali***

1. *Sa dotazioni orgànica de su personali ponit in contu unu Vice-Segretàriu Comunali, scerau intru de unu de is Dirigentis /Funtzionàrius de gradu artu de s'enti, chi traballit impari cun su Segretàriu po ndi pesai is funtzionis cosa sua e chi lo arrempravit candu est ausènti o po impedimetu. Is normas po custa nòmina s'agatant in su regulamentu de organizazioni.*

## **CÀBUDU IV**

### ***Sa responsabilidadi***

## **ART. 73**

### ***Responsabilidadi caras a su Comune***

1. *Is amministradoris e is dependentis comunalis depint pagai a su Comune po is dannus chi ndi benint de sa violazioni de is obrigus de servìtziu.*
2. *Su Sìndigu, su Segretàriu comunali, su responsàbili de su servìtziu chi si ndi sapint, a deretu o po raportu chi ddi depint is òrganus inferioris, de fatus chi portint a responsabilidadi in virtudi de su primu comma, ndi depint fai denùncia a su procuradori de sa Corti de is contus, inditendi totu is elementus arregortus po s'averigu de is responsabilidadis e da determinazioni de is dannus.*
3. *tacoi su dannu siat de imputai a su Segretàriu comunali o a unu responsàbili de servìtziu sa denùncia dda fait su Sìndigu.*

## **ART. 74**

### ***Responsabilidadi caras a tertzus***

1. *Is amministradoris, su Segretàriu, su Diretori e is dependentis comunalis chi, in s'esercìtziu de is funtzionis insoru ocasionint a àterus, po dolu o crupa gravi, unu dannu funt obrigaus a ddu risarciri.*
2. *Candu a pagai po unu dannu fatu de s'amministradori, de su Segretàriu o de su dependenti est su Comune custu si ddis torrat a balli in virtudi de s'art. de innantis .*
3. *Sa responsabilidadi personali de s'amministradori, de su Segretàriu, de su Diretori, chi est stètiu nominau, o de su dependenti chi apat violau diritus de tertzus ddoi at siat*

*in s'acuntèssiu de adotzioni de àutus o in su cumprimentu de operatziouis, siat in s'acuntèssiu de mancàntzia o de trigadiu chi no tenit movintiva de àutus o operatziouis chi spetant de fai a marolla a s'aministradori o a su dipendenti in virtudi de sa lei o de su regolamentu.*

*4. candu sa violatzioni de diritus ndi bengiat de àutus o operatziouis de òrganus collegialis de su Comune, funt responsàbili su Presidenti e is chi faint parti de su collègiu chi ant partecipau a s'àutu o a s'operatziouis. Sa responsabilitadi no imbodrigat a chini at fatu ponni in su verbali chi no fiat de acòrdiu.*

## **ART. 75**

### **Responsabilitadi de is contàbilis**

*1. Su Tesorieri e dònna àteru contàbili chi manigit dinai de su comune o siat incarrigau de sa gerridura de s'azienda comunali, e finas chini intrit, chentza de una autorizatzioni legali, in su manixu de su dinai de su Comune depit torrai contus de sa gerridura e est sogetu a is responsabilitadis decidias de is normas de Leis e de su regolamentu.*

## **CÀBUDU V**

### **Finàntzia e contabilitadi**

## **ART. 76**

### **Ordinamentu**

*1. S'ordinamentu de sa finàntzia de su Comune est scerau de sa lei e, me is trèminis postus in contu de custa, de su regolamentu.*

*2. Is s'acuntèssiu de sa finàntzia pùbrica su comune est titolari de autonomia finantziària fundada asuba de sa siguresa de is aziende cosa sua.*

*3. Su Comune, a cunfomu de is leis chi pertocant sa chistioni, est puru titolari de podèrius in s'acuntèssiu de is pagamentas, tassas e tarifas, e tenit unu demàniu e unu prediu cosa sua.*

## **ART. 77**

### **Atividadi finantziària de su Comune**

*1. Is intradas finantziàrias de su Comune funt fatas de is pagamentas, adizionalis e cumpartecipatziouis a pagamentas erarialis e regionalis, tassas e diritus po servìtius pùbricus, trasmudas erarialis, trsmudas regionalis, àteras intradas fintzas de*

*piessinniu patrimoniali, asiendas po investmentus e dònna àtera intrada decìdia po lei o regolamentu.*

*2. is trasmudas erarialis funt distinadas a assigurai cussus servìtzius pùbricus comunalis chi no si ndi podi fai de mancu; is intradas fiscalis finàntziant is servìtzius pùbricus chi serbint po sa crèscita de sa comuniadi e s'aciungint a sa contribuzioni erariali po donai is servìtzius pùbricus necessàrius.*

*3. In s'acuntèssiu de is facultadis cuncedias de sa Lei su Comunu ndi pesat, ndi bogat e donat arrègulas, cun deliberatzioni cuntzillari, pagamentas, tassas e tarifas.*

*4. Su Comunu àpricat is pagamentas ponendi in contu de sa possibilidadi econòmica de is sogetus passivus ponendi infatu a is princìpius de progressividadi decìdius de sa Costituzioni e àpricat is tarifas a manera de amparai e favoressi is categorias prus dèbilis de sa popolatzioni.*

## **ART. 78**

### ***Aministratzioni de is asiendas comunalis***

*1. Su Sìndigu disponit sa lista de is asiendas demanialis e patrimonialis de su Comunu de assentai dònna annu e est su responsàbili, impari cun su Segretàriu e su Ragonieri de su comunu de s'esatesa de s'imbentàriu, de is aciuntas e càmbius afatantis e de su costoimentu de is tìtulus, àutus, cartas e scritus chi pertocant su prèdiu.*

*2. Is asiendas de prèdiu comunali chi no funt imperadas e didtinadas a funtzionis socialis in virtudi de su tìtulu duus de custu Statutu si depint, de arrègula, allocai; is asiendas de su demàniu podint essi cuncèdius in impreu fadendi pagai una tarifa determinada de sa Giunta Comunale.*

*3. su tanti chi ndi benit de s'alienatzioni de is asiendas, de làscitus, donatzionis, creditus o cumentesisiat, cèspiti de investiri a patrimoniu, depint essi imperadas a tìtulu nominativu de su Stadu o po spaciai su dèpidu e in s'amellioramentu de is asiendas o in sa pesada de obras pùbricas.*

## **ART. 79**

### ***Bilànciu comunali***

*1. S'ordinamentu contàbili de su Comunu est resguardau a sa Lei de su Stadu e , me is trèminis fissaus de custa, a su regolamentu de contabilidadi.*

*2. Sa gerridura finantziària de su Comunu si fait in basi a su bilànciu annuali de previsionu scritu me is trèminis de cumpetèntzia, deliberau de su Consillu comunali intr su trèmini decìdiu de sa lei, ponendi infatu a is princìpius de universalidadi, unidadi, annualidadi, beridadi, pùbricidadi, de s'interesa e de su torrai paris econòmicu e finantziàriu.*

3. Su bilànciu e is aciuntas cumandaus de sa lei depint essi scritus a manera de ndi permiti sa ligidura po programas, servìtzius e intrabènnidas.
4. is impènnius de gastu, po essi profetosus, depint cuntènni su bistu de regolaridadi contàbili chi atestit sa cobertura finantziària donada de su responsàbili de su servìtziu finantziàriu. Sa firma furrat a esecutivu s'àutu adotau.

## **ART. 80**

### **Rendicontus de sa gerridura**

1. Is fatus de gerridura funt acraraus po mesu de sa contabilidadi finantziària e econòmica e amostaus po mesu de su rendicontu chi est fatu de su contu de su bilànciu, su contu econòmicu e su contu de s'asienda.
2. Su rendicontu est deliberau de su Consillu comunali intru su 30 de làmpadas de s'annu afatanti.
3. Sa Giunta comunali aciungit su rendicontu una relata illustrativa innui si esprimet s'apretziamentu de atòliu de s'atzioni fata su basi de is arresurtaus cumprius in raportu a is programas e a is contus apoderaus, e finas sa relata de collègiu de is revisoris de is contus.

## **ART. 81**

### **Atividadi contratuiali**

1. Su Comune, po cumpriri is tareas istituzionalis, provedit po mesu de apaltus de traballu, a cuberai benis e servìtzius, a bendi, a achistiti a tìtulu onerosu, a is permutas e a is arrendas.
2. s'acòrdiu de su cuntratu si depit fai apustis de ai fatu sa determinatzioni de su responsàbili de gastu.
- 3 Sa determinatzioni depit inditai su scopu chi cun su cuntratu si bolit cumpriri, s'ogetu, sa forma e is serradas chi ddoi archedint e finas is maneras de scioberu de su cuntraenti in basi a is normas in vigori.

## **ART. 82**

### **Collègiu de is revisoris de is contus**

1. Su Consillu comunali eligit, cun votu intremennau a duus candidaus, su collègiu de is revisoris de is contus, segundu is critèrius decìdius de sa lei.
2. S'òrganu de revisioni tenit su diritu de intrada in is àutus e documentus de s'enti, abarrat in càrriga tres annus, si podit torrai a eligi po una àtera borta sceti e podit essi discumbidau po po ai cumpriu su traballu cosa sua e fintzas candu ddoi at movitivas gravis chi donant sètiu malu a sa cumpridura de su mandau.



3. *S'òrganu de su revisioni traballat impari cun su Consillu comunali in sa funtzioni de càstiu e de indiritzu, esèrcitat sa vigilàntzia asuba de sa regolaridadi contàbili e finantziària de sa gerridura de s'enti e certificat chi su rendicontu e is risultantzas de gerridura crosint paris, scriendi una relata apòsita, chi acumpangiat sa proposta de deliberatzioni cuntzillari de su rendicontu de bilànciu.*
4. *In sa relata arremonada in su comma de innantis s'òrganu de revisioni donat ideas e propostas chi punnant a unu mellu atòliu, profetu e economicidadi de sa gerridura.*
5. *S'òrganu de revisioni, candu agatat irregolaridadis gravis in sa gerridura de s'enti, ndi torrat a chistionai luegus a su Consillu.*
6. *S'òrganu de revisioni torrat sceda de sa beridadi de is certificatzionis cosa sua e cumprit is doveris cun su contivègiu de su mandatàriu e sa bonesa de su babu de famiglia.*
7. *A s'òrganu de revisioni podit afidai àteras funtzionis puru chi pertocant su càstiu de gerridura e finas chi pertocant sa partecipatzioni a sa truma de valutatzioni de is responsàbilis de is uficius e de is servìtzius arremonaus in s'art. 20 de su D. 19 febbraio 1993 n. 29.*

## **ART. 83**

### **Tesoreria**

1. *Su Comunu tenit unu servìtziu de tesoreria chi fait:*
  - a) *sa riscossioni de totu is intradas, de pertinèntzia comunali, ghetadas de is dèpidus in basi a s'òrdini de incassu e a is listas de càrrigu de su concessionàriu de su servìtziu de riscossioni de is tributus;*
  - b) *sa riscossioni de calisisiat àteru tanti chi spetat e chi su tesorieri ndi depit fai sciri a s'enti intru tres diis;*
  - c) *Su pagamentu de is gastus ordinaus po mesu de mandaus de pagamenta me is trèminis de is stantziamentus de bilànciu e de is fundus de cassa a disposta;*
  - d) *Su pagamentu, mancai in ausèntzia de is mandaus, de is motas de ammortamentu, de is contributus previdenzialis e de is àterus tantis decìdias de sa lei.*
2. *is raportus de su Comunu cun su tesorieri funt arregulaus de sa Lei, de su regolamentu de contabilidadi e fintzas de cunventzioni apòsita.*

## **ART. 84**

### **Càstiu econòmicu de sa gerridura**

1. *Is responsàbilis de is uficius e de is servìtzius podint essi tzerrius a fai operatzionis de càstiu econòmicu-finantziàriu po averigui chi sa gerridura de su dinai assenniau de su bilànciu e is tareas de sa Giunta e de su Consillu crosint paris.*

*2. Is operatzionis e is arresultaus cosa insoru s'agatant scritus in d-unu verbali chi, impari cun is annotus e is críticas, andat a s'assessori chi ndi tenit cumpetèntzia e chi ndi torrat a fueddai cun sa Giunta po mancai àteras dispostas de cumpetèntzia, de adotai apustis de ai intèndiu a su collègiu de is revisoris.*